

Newspaper	UTUSAN MALAYSIA
Date	1 AUGUST 2016

## Keamanan tidak harus digadai – PM

um - 1/8/2016

**KUALA LUMPUR, 31 Julai** - Bersempena Hari Pahlawan negara, Datuk Seri Najib Tun Razak mengajak rakyat Malaysia mengetepikan perbezaan ideologi politik agar tidak mengagadai keamanan negara.

Perdana Menteri juga meminta semua rakyat untuk bersama-sama mensyukuri nikmat yang diperoleh melalui perjuangan perajurit tanah air.

“Marilah bersama-sama kita sedekahkan al-Fatihah dan bertafakur buat perwira kita yang telah terkorban dalam perjuangan mereka demi kemakmuran tanah air ini. Terima kasih perwiraku. Selamat Hari Pahlawan!” katanya dalam catatan terbaru di blog beliau [www.najibrazak.com](http://www.najibrazak.com).

Najib juga berkongsi beberapa peristiwa dan sejarah pengorba-

nan anggota keselamatan negara termasuk krisis pencerobohan Lahad Datu pada tahun 2013.

“Saya masih ingat lagi ketika mendapat perkhabaran mengenai krisis pencerobohan Lahad Datu pada tahun 2013. Ramai anggota keselamatan kita yang terkorban dan cedera dalam usaha mereka untuk mempertahankan kedaulatan tanah air daripada pencerobohan pengganas,” katanya.

Beliau berkata, seluruh negara berkongsi kesedihan bersama keluarga yang kehilangan mereka yang tersayang dalam tragedi itu dan kesemua anggota keselamatan telah berjuang dan mempertahankan negara sehingga ke titisan darah terakhir.

Najib berkata iktibar daripada peristiwa tersebut adalah ba-

hawa ancaman berada di mana-mana dan boleh berlaku pada bila-bila masa.

“Hari ini, khabar serangan demi serangan oleh pihak pengganas dan pelampau berlaku di seluruh dunia hampir setiap hari. Malaysia turut tidak terkecuali daripada ancaman ini,” tambahnya.

Bagaimanapun, beliau berkata semangat keperwiraan dan kecakapan yang dimiliki oleh anggota keselamatan membolehkan keamanan terus dikekalkan.

Katanya, kesediaan anggota keselamatan dalam menangani ancaman terbukti sewaktu pengendalian peristiwa letupan di pusat hiburan Movida Bar (amp) Lounge di Puchong, Selangor pada 28 Jun lepas yang didalangi kumpulan pelampau yang mence-mar nama baik Islam. - BERNAMA